

Маддоҳларга тупроқ сочинглар



07:00 / 11.01.2019 2572

Ибн Абу Увайс отасидан, у Валид ибн Мұхаммад ибн Убода ибн Сомитдан, у амакисининг ўғли Убода ибн Валиддан ривоят қиласи:

«Убода ибн Сомит Муовия розияллоҳу анҳу билан бирга әди. Бир куни аз он айтилгач, имом туриб, Муовия розияллоҳу анҳуну мақтаб, күкларга күтарди. Шунда Убода ибн Сомит қўлига тупроқ олиб имомнинг юзига сочди. Муовия бундан ғазабланди. Убода розияллоҳу анҳу унга деди: «Биз Ақабада Расулуллоҳ соллаллоҳу алайҳи васалламга фаол бўлса ҳам, ёмон кўрсак ҳам, дангаса бўлса ҳам қулоқ солиб, итоат қилишга, иш эгаси билан тортишмасликка, қаерда бўлсак ҳам ҳақда туришга ва маломатчининг маломатидан қўрқмасликка байъат берганимизда сен йўқ эдинг. Расулуллоҳ соллаллоҳу алайҳи васаллам: «Агар маддоҳларни кўрсангиз, оғизларига тупроқ сочинглар», деди».

«Солиҳлар гулшани» китобидан